

永樂大典記

先儒有言讀書者多取不如精取自天子以至士庶其學問同也永樂初朝廷命上書胡廣侍講王洪等編成一書名曰大典計二萬二千八百七十七卷一萬一千九十五本目錄六十卷其表文嘗見於蟬精雋中夫御覽元龜不過千卷求多者徒具望洋之嘆而已大典以萬計安能推布夫海內也哉

悟真字解

噫真何由悟哉世人皆欲悟真而悟之不真非悟也真之不悟非真也今卽字義解明之悟者覺也求也真者實也正也夫人知之也豈知悟真二字書義亦深乎悟从吾心先當以修心爲

道藏輯要

三丰全集 古文

七

續畢集七

本太上云吾從無量劫來觀心得道是也真者何也六書云人受氣以生目最先神之所聚無非實也故从目从匕匕者化也又从斤音浩斤者氣之形也可知欲煉道者須先煉目煉目乃能聚氣煉目並可收心所謂機在目者是也識得此機便見真機識得此機便知息機識得此機便入妙機悟如是真如是也請以告天下之悟真者

刀尺賦

三丰先生常攜刀尺以遨遊空乎兩大浩乎十州客有怪者不知其由先生乃爲之賦曰是刀也能開混沌斯尺也用絜蓬萊故相隨而不失知造化之剪裁爾其百點明星雙文皎雪繩墨

從之鋒芒割若分修短兮合宜剪水雲兮快絕期妙用之無方
豈微能之足述至如裁妙理削塵囂量度數別昏朝火功寸寸
風信刁刁胎養刻刻羽衣飄飄度龍門之萬仞如虎劍之兩條
夢益州而不願與方丈而同超刀兮刀兮妙之又妙尺兮尺兮
要所必要匪歐冶之能鎔匪公輸之能造與我偕行任他嘲笑
將求織女之雲綃縫出仙翁之衣帽歌曰一刀一尺遍天涯四
海無家卻有家破衲補成雲片片袖中籠住大丹砂

立要篇自序

立素歎人生光陰有限富貴無常若風燈草露存沒倏忽自古
及今比比皆然深可驚省以是日夕希慕大道棄功名撇勢利

道藏輯要

三丰全集 古文

九

續畢集七
又六

雲游湖海遍訪名師所授雖多總皆旁門小法行於身心無所
益也考諸丹經而又不合與道乖違徒勞動苦性命惶惶不得
一遇至人以了生平之願延佑間幸天憐我初入終南得遇火
龍先生詢是圖南高弟綠鬢朱顏儼乎物外神仙春秋不知其
幾許矣立素異之禮拜師事跪問大道蒙師慈悲鑑我精誠初
指煉已功夫次傳得藥口訣再示火候細微與夫溫養節度脫
胎神化了當虛空之旨無不一一備悉真所謂口口相傳心心
相授得聞斯道何幸如之又云造斯道者必須法財兩用而後
可以有爲乃立素以勤於遊訪兼頗好善傾囊倒篋殆盡安能
造斯道哉不覺每日憂形於色師遂怪而問之立素又揮淚跪